

Bosna i Hercegovina  
**PARLAMENTARNA SKUPŠTINA**  
BOSNE I HERCEGOVINE  
SARAJEVO

**BOSNA I HERCEGOVINA**  
**PARLAMENTARNA SKUPŠTINA**  
**PREDSTAVNIČKI DOM**

Broj: 01,02/1-2- /99  
Sarajevo, 07. juni 1999 godine

Primljeno: 08. 06. 1999			
Org. jed.	Broj	Prilog	Vrijednost
	01,02/1-2	69/99	4X

**ZAPISNIK**

**Komisije o međunarodnim i vanjskim pitanjima**  
**Predstavničkog doma Parlamentarne skupštine Bosne i Hercegovine**  
**održane 07. juna 1999 godine**

Na osnovu člana 5. tačke 7. Privremenog Poslovnika Predstavničkog doma i Doma naroda Parlamentarne skupštine Bosne i Hercegovine sazvana je zajednička sjednica radne Komisije o međunarodnim i vanjskim pitanjima oba doma.

S obzirom da se na sjednicu Komisije Doma naroda nije odazvao potreban broj članova, nije se mogala održati zajednička sjednica, pa je održana sjednica Radne Komisije o međunarodnim i vanjskim pitanjima Predstavničkog doma Parlamentarne Skupštine Bosne i Hercegovine.

Sjednici su prisustvovali: Branko Dokić, Ivo Lozančić, Ivo Divković, Dragan Mirković, Desanka Rađević i Adnan Jahić. Iz Doma naroda sjednici su prisustvovali Avdo Čampara i Momir Tošić.

Sjednici nisu prisustvovali: Ibrahim Spahić- na službenom putu, Neven Tomić, Zlatko Lagumdžija, Safet Oručević, Vinko Zorić, Ristić Ristan Momir Tošić, Izet Žigić i Vladimir Šoljić.

Konstatovano je da se može održati samo sjednica Komisije Predstavničkog doma jer broj prisustvni zadovoljava kvorum.

Za sjednicu je predložen i usvojen slijedeći

**DNEVNI RED**

1. Zauzimanje stava po pitanju inicijative gospodina Szent-Ivanyi Istvan-a, predsjednika Komisije za međunarodne odnose Parlamenta Republike Madjarske, o razmjeni posjeta parlamentarnih delegacija dvije zemlje

2- Zauzimanje stava o odazivanju na poziv na 8. Sjednicu Parlamentane skupštine OSSE, St. Peterburg, 6-10 juli 1999 godine.

### 3. Razno

- 3.1 Informacija o službenoj posjeti Bosni i Hercegovini Predsjedavajućeg Komiteta Ministara Vijeća Evrope i MVP Islanda gospodin Hallord-a Asgrimsson-a i Generalnog sekretara Vijeća Evrope, gospodina Daniel Tarschys-a, 19-21 juna 1999 godine.
- 3.2. Poziv ženama članicama Parlamentarne skupštine Bosne i Hercegovine u dvodnevnu posjetu Republici Sloveniji upućen od strane Direktorice Ureda za političko angažovanje žena Republike Slovenije i Komisije za politiku jednake zastupljenosti žena u parlamentarnom životu.


## ZAKLJUČCI

- AD 1. Komisija predlaže da se prihvati inicijativa o razmjeni posjeta Komisija parlamentarnih delegacija dviju zemalja te da delegaciju predvode predsjedavajući Komisija o međunarodnim i vanjskim pitanjima oba Doma Parlamentarne Skupštine Bosne i Hercegovine, Branko Dokić i Avdo Čampara. Potpuni sastav delegacije će se utvrditi nakon razmjene stavova predstavnika Komisija dviju zemalja.
- AD 2. Komisija je potvrdila značaj prisustva parlamentarne delegacije BiH na predstojećoj sesiji parlamentarne skupštine OSSE i podržala učešće bh delegacije u radu ovog skupa. Donesen je zaključak da tročlana parlamentarna delegacija, u sastavu Adnan Jahić, Miodrag Deretić i Vladimir Šoljić, održi sastanak te dogovori o unutarnjoj organizaciji i pripremi. Posebno je naglašena potreba obavještanja Komisije o rezultatima kako ovog tako i svih drugih skupova u kojima učestvuju parlamentarne delegacije Bosne i Hercegovine.
- AD 3.1. Izražavajući jedinstven stav o značaju predstojeće posjete visoke delegacije Bosni i Hercegovini za prijem Bosne i Hercegovine u Vijeće Evrope, Komisija je predložila da Kolegij oba Doma Parlamentarne skupštine Bosne i Hercegovine zakaže zajedničku, svečanu sjednicu oba Doma PS BiH, 19 juna 1999 godine, sa početkom u 15:00 sati.
- Isto tako, usvojen je stav da se udovolji želji visoke delegacije Vijeća Evrope i zakaže sastanak gostiju sa predstavnicima političkih stranki, vladajućih i opozicionih, koji participiraju u Parlamentarnoj skupštini Bosne i Hercegovine. Usvojen je zaključak da se predmetni sastanak održi 19. juna u 17.00 sati.
- AD 3.2. Komisija prihvata poziv u dvodnevnu posjetu Republici Sloveniji upućen ženama članicama Parlamentarne skupštine Bosne i Hercegovine.

**AD 3.3.**Donošenje stava o odazivanju na pomenuti skup nije bilo moguće zbog neizmirenog dugovanja Bosne i Hercegovine na ime godišnje kotizacije, za period 1995-1999 godine.

Nakon izesene informacije da su po odluci donesenoj na sjednici Kolegija PS BiH 25. maja 1999 godine, Predsjedavajući oba Doma Parlamentarne Skupštine Bosne i Hercegovine, Dr Halid Genjac i Vladimir Šoljić, 27. maja 1999 godine, uputili dopis Vijeću ministara Bosne i Hercegovine, da se izmiri barem dio dospjelog dugovanja prema IPU, Komisija je zaključila da se sačeka odluka Vijeća ministara.

Predsjedavajući



Branko Dokić, s.f.